

Sîn bē bē-kì--tit

Tân Lùi

Khòaⁿ--khí-lâi sī pē-á-kiáⁿ hiaⁿ-tī,
Kāng-khóan sà̄n kah kúi beh thoa--khì,
Koah nâ-âu ê oan-siû,
Ó bák-chiu-jîn ê chheh-hūn,
Ùi tiang-sî khai-sí?

Soa-bô ta-soaⁿ sī Ah-hu-gán
(Afghanistan) ê sèng-tē,
Ták-jit kūi--lòk--khì bài-sîn 5 piàn,
Kî-tó hóe-sio-chhù ê chheh-hūn
Kiông-kan cha-bó ê oan-siû
Lú bài lú chē.

Sîn tī in tiong-kan ōe chit-tiâu thih-sòaⁿ,
Lâng bē-tàng lâi-óng kiâⁿ--kòe,
Kan-na chhèng-chí tōaⁿ bē-soah,
Kap tōa-phàu pōng hō in lóng-chóng sí.

Sí--khì--ê khòaⁿ--khí--lâi mā chin-sêng
In pē-á-kiáⁿ hiaⁿ-tī,
Seng pak hit-siaⁿ..ê,
Kiāu hit-ki kim chhùi-khí,
Chheng-sàng oan-siû ê khiàm-chè.
Phòa-pò pau ê sin-si
Hō Ah-hu-gán ê soa-hong chhoe ta--khì,
Chiok-chē tēng-khok-khok un tī hia,
Chhin-chhiūⁿ chò-hóe teh pài Ah-lah ê sîn:
Sîn bē bē-kì,
Lâng lóng bô iàu-kín.

Sim-lêng Koa-si

Bān-lí

Kng-bū tng-tiong khòaⁿ--lí
Khòaⁿ lí-lán ê chêng-ài
Íⁿ tú khùn chhíⁿ
Soaⁿ-hong chhìn-kôaⁿ

Giáh thâu
Góeh-kng chhun-chhiú so gún ê bīn
gún e sin-khu
Bák-chiu thí khui
Bīn--nih ê chheng-chhái chhiō-lóh
Góeh-kng
Khîn gún sim-thâu hûn-jiah
Ô-chuí--nih lâu kòe àm-iā liû-chhiin

Sim-lêng thián sit
Hôaiⁿ kòe chhim-khàm
Chháu-á chín-chhiⁿ
Hō-chúi chhiⁿ-léng
Si-jîn ê gán-sîn
Sī chhim-soaⁿ--nih
Chuí-chhiâng piⁿ
Gún ê góeh-kng bîn-chhîng

